

www.BibleForChildren.org

Matthew 8



Majae niö'i gemu hesi uhure iae masurovo'iröhe söröho Cana amore Galilee sa'are avohareje. Avohamu Iesuare vëmohuro ë hijadeje. Iesu'o hesi ijorajoho jabu'o söröre ruejoro uëvë'ëro ë ro raromareje.



Raromoromo sörö'e ariböviohuro wine jovoho ue'aho
barënugoromo vëmohuro lesu uavadeje: Wine jovoho
barējē'e höjo. Bogo rovē'e höjamu hegorovo vëmohuro
mu ajëmijarue aribövioho uëvadeje: Ëaehu diehi
uëvamu hejē'oho ëhi ë'orëjo.



Ĕhi jiĕ'e jiĕ'ĕro lesuro mu aribövioho
uĕvadeje: Ĕmunĕ hevöro jovo maho
oteho'amego irijio'mo'irajo. Ĕhi uĕvamu
irijio'mo'amo barĕjareje.



Ĕhi'amu uĕvadeje: Jove gö ĕ hevöro
vuoromo ujuoho va'oromo söro muebejaje
aho i'imamirĕjo. I'imamirĕjamu ujuoho
va'oromo i'imamijareje.



l'imamamu rue sörö muebejaje ahuro i heromo hejadeje
jovoho rihu'e jiamu ë jovo maho mami'e wine-rëjë'ëro
jië'ëro. Röhu ë wine jovoho
dinö'e jioromo ujuoho
rovaroho bogo ga'i
hesi jovo vuare mu
ariböviohuro
gavareje. Amo
hejade rihu'e
jiamu hegoro i'o
masuvade aho
uvamu
rovadeje.



Rovamu rue sörö muebejaje ahuro uavadeje: Ae aho'obëhe wine jovo mabëhoho urimo bahijëharue höjo.

Bahijëhonugoromo aëro jovo bövi mae ue'ahego ijönö jove ma-bisemu sisëho bahijëharue höjo. A'i jero wine jovo maho avoho runo'e bamane höjo aviavejö'e i'iröhohuni.




Ilesuro Cana amore Galilee sa'are hiromo bëhi'e mu
börömoho aevo'i ëhi vaejadeje.
Vaeromo ëhuro hesi aji maho
röjëhijamu gagorovo hesi
ijorajoho jaburo hu mae
uehorovareje.



Ĕhi'onugoromo Iesuro Peter-are osare va'adeje.
Va'oromo gavadeje Peter-are jure magonahoho
sine vörö'irae'ego röhore raromamu.



Raromamu gagorovo lesuro magonaho hesi övoho
rëhahamu vöröho u'uhadeje. Vöröho u'uhamu hegorovo
magonahohuro ri'öromo lesuni iruno'e avohahadeje.



Avohëhë'ëro majae beva'amu gagorovo aëro guomo
guomo baejë'e aribövioho aho'o Satan-are a sisëhu
dëre abue'amë'e
aribövioho aho'o ëhi
ujuoho rueruomadeje.
Amo raje ae aho'obëhe
rueromo Simon-are
ojanore
gagovoruomadeje.




Gagovamu lesuro guomo guome gö gö baej'e ae
aho'o jabesi sinoho avohëhoromo aru'aho sisëho aho'o
a jabesi dëroho rarovö'öjëvonövadeje.
Rarovö'öjëvoromo ë aru'aho sisëho uënövadeje: Jöe
nugohëjo.



Nadi nasi jöho huruohohëjo. Ilesuhu ëhi jië'e jö jövade hesi bëhoho ë aru'aho sisëho jaburo gavë'ego hu ëhi jië'e ae jiamu garuomë'ego ëhuni jövadeje.



Marëjëvamu ae aho'obëhe gavare Iesuare darugohuro
rueromo guomo guomo'e ae aho'obëhe ajëmamu
gagorovo Iesu rëho'i ë'o gavareje ëhuro
guomo guomoho
barëjëvo'iröhego.



Majëhijamu evare ae ëhi niö'i ëhi niö'i jaburo övo höru'e
vuovahë'e aho maratuore giojimo barue'i a ioro'iorohuro
ma-namijëho rovarëje.



Rueromo lesuare bëhire
rue'ië'oromo gavare ae aho'obëhe
tagavoromo rõhoho rarojë'e jiamu
gagorovo javu dönö
ba'ojiomoromo lesuare
simano namonö
dadovareje.



Dadovoromo maratuohu'o
ëhi nume osare ba'amareje.



Ba'amamu lesuro gavade i'e rovere ariböviohuro
hu mae uehorovoruumamu
gëgorovo övo höru'e
vuovahë'e aho uavadeje:
Harihëjo. Jasi sisëho
uehorovoromo
vuonugoromo mu'u
barëjahë'e höjo.
Naro ja uavajëjo:
Ri'öromo
raromanue maratuoho
banigojiomoromo
baeromo jasi
osahuro va'ëjo.




Ĕhi'oromo lesuro boat gagore ajio hijamu hesi ijorajo
ömo'ömohuro hu'o ajio gemuore
raromoromo va'areje. Va'ihö
gavareje e'u döre buru
börömoho rueromo
jovoho hasa'ego boat
gagoho abo rarovamu.
Abo raro'vo'i röhu
lesu niavë'e jiadeje.



Vuovavuo'ie'ajëjumu uëvadeje: Jemë rabëni
juhuonivarujëjo. Jemë God bogo ma uehorovaruje
aribövie jëvajëjo. Èhi uënugoromo ri'öromo burohu'o
jovohu'o uëvadeje: Vuonugohëjo. Vuonugohëjumu
jovoho u'uhoromo ma-jörume
ruhijadeje. Ma-jörume ruhijamu
gavë'i rueho jaburo
uarovareje: Ave aho
diehi jië'e ae höjo.
Huhu uëvë'oho bogo

aëremuoho ejaho'i burohu'o
jovohu'o jabu'o hesi
jöho ejaharue höjo.



Sa'ae dinö'e dinö'e
God-ro dē vövöbajo'e aho'o
uehorovavuadeje. Uehorovavuoromo
hesi Harihu gemu' oho bojamuijadeje
ëhuro ae rahu Harihu mae
uehorovë'ohuro ëhuro bogo
sisëroho va'i ma-ioro'ioremu
maro raromo-röhego.



Romans 3:23 No ae aho'obëhe sisë vaejë'ëro God-are aji'e muoho vae'iröhoho bogo eni javuego ma-raromarueje.

Romans 6:23 Noro mu sisë vaejego ë hesi manaho baeromo vuovoromo sisëro va'arueje. O God-ro hesi huë baejavuaje suvuoro ho bojamuego ëhuro no ma-ioro'iore gemu maro raromarueje Iesu Keriso nosi Badare ae gemuohuro javuë'ëro.

Hebrews 9:27 God-ro bamë'ëro no ae aho'obëhe ma-vae gemu vuovavuo'iröhohoje ijonö hesi nunire riravoröhego.

Ephesians 2:8 Ëhesi bëhoho huhu ma-huë baejëvoromo uehoro mae bojëmijadohuro iae ëhuro jemë mae uehorovamu gagorovo maro bamëvadeje. Bogo jemesi biriroho baeromo ajamirovo'i a'i hesi God-ro suvuoro ho bojëmijë'ëro jemë mae jëve.



Ephesians 2:9 Hu bogo uvadeje: Jemë mu ma vaejë'oho maro bamëvo'ejöjo. O bogo vaejë'oho bogajo. Hu ëhi uvo'ibejo aëro nimoronimorohë'i jijihoromo uvoruomo'ibejo: Noro nosi ajamirovoromo manö bamorovare höjo.

Romans 10:9,10 Jaehu dë vövöbajo'ere mae uehorovoromo uvë'oho: God-ro lesu ajamamu guomoromo ri'öjade hö uvoromo röhu mae uehorovanue jö jasi jö'ehu a huruoho majëhiromo uëvë'oho: lesu gemu Bada hö uëvë'oho bogo sisëroho va'i maro hi'a'anue. Dë vövöbajo'o o jö'o jabesi bëhoho dë vövöbajo'ere noro lesu mae uehorovoromo ëhuro God-are nunire mae riravarueje. O jö'ëro no lesuare jöho ae huruoho majëhiromo ëhuro bogo sisëroho va'i maro va'o hesi javue.



John 3:16,17 Sa'ae dinö'e dinö'e God-ro dë vövöbajo'e aho'o uehorovavuadeje. Uehorovavuoromo hesi Harihu gemu'oho bojamuijadeje ehuro ae rahu Harihu mae uehorovë'ohuro ehuro bogo sisëroho va'i ma-ioro'ioremu maro raromoröhego. God-hu hesi Harihu sa'are nugö'öjade hesi bëhoho bogo nosi sisëho garomo sisëroho bamavuo'i a'i ajamuiromo maro ramuo'iröhego ehuni nugö'öjadeje.



1 John 5:11-13 God-hu hesi Harihu hesi jö mae majahuijade hesi bēhoho aviēhije. God-ro darugoho bojamuijē'eje noro baeromo nosi aru'ahoho i'ovoromo ioro'ioremu mae raromo'irōhego. Ędarugoho God-are Harihu hesirire jie. Ęhu'ēro ae rahu Harihohu'o gemuore bimuvē'oho ě darugoho baeromo hu'o gemuore mae hijajeje. O bogo God-are Harihohu'o gemuore jiē'oho bogo ēhioho maho hijajeje. Naehu jemesi örire jajivaje hesi bēhoho jemēro garomo uvo'irarijego: lae no maro raromaruoho ēhi ioro'ioire gemu raromobe va'ejarē uvo'irarijego. God-are Harihu mae uehorovaruje aribövioho jemē uēve.



Matthew 8-9; Mark 1-2, 4; Luke 4, 8; John 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Ömie NT (aom) ©2013, Wycliffe Bible Translators, Inc. All
rights reserved.

<https://live.bible.is/bible/AOMWBT/MAT/1>

©2025 Bible for Children, Inc.

www.M1914.org

www.bibleforchildren.org

